



JNUNPAZ-T-L

JURNAL UNPAZ TIMOR-LESTE

UNPAZ

Vol. 02, Issue, 12, pp.01-05, Outubro, 2023



ORIGINAL ARTIKLU PESKIZA

HODI ASSESU

KNA'AR KOMISAUN A PARLAMENTU NASIONAL KONA-BA ATRIBUISAUN

LEGISLASAUN HAKTUIR REGIMENTU PARLAMENTAR NASIONAL

Autor: ¹Inacio Bau Mali Pereira, **Co Autor:** ²Rosino da Cruz, **Email:**

dacruzrosino503@gmail.com, ³Joco Sarmiento Capela

¹Lisensiadu Direitu, Universidade da Paz, Timor Leste

²Dosente Fakultade Direitu, Universidade da Paz, Timor Leste

³Dosente Fakultade Direitu, Universidade da Paz, Timor Leste

**INFORMASAUN
ARTIKLU**

ABSTRATU

stória Artiklu: Data
Submisaun 05 de Outubru
de, 2023 Aseitasaun 05 de
Outubru de, 2023

**Liafuan Xave:
Komisaun A Parlemtu
Nasional**

Kompetensia Komisaun A Parlemtu Nasional Timor Leste nian nu'udar haktuir iha Komisaun Especializada Permanente ne'ebé trata asuntu konstitusionalidade no justisa hanesan mos kompetensia atribuisaun tanba lei mak preve.

Objetivu husi Peskiza ne'e mak Oinsa hare konaba Kompetensia Komisaun A Parlemtu Nasional hodi trata asuntu Legislasaun Kontrola Área Konstituisaun Justisa Bazeia ba Rejimentu Parlemtar, Meius Fatór no Obstakulu saida mak Komisaun A hasoru Ba Implementasaun kna'ar Legislasaun hodi atinje objetivu Konstitusionalidade no justisa.

Teoria ne'ebé Peskizadór uza hodi deskobre problema ne'e mak teoria orgaun do estadu, Teoria Soberania, Teoria Kompetensia, Konseitu sira konaba Tipolojia Orgaun Parlemtu, Sistema Orgaun Parlemtu Nasional no Politika Parlemtu Nasional. Metodu Peskiza ne'ebé hakerek nain uza mak metodu peskiza normativu iha ne'ebé peskizadór halo abordazen ba lejislasaun sira ne'ebé relevansia ho topiku.

Husi rezultadu Peskiza ne'ebé hakerek nain hetan mak kompetensia Komisaun A Parlemtu Nasional hodi trata ba assuntu Konstituisaun no Justisa bazeia ba Rejimentu PN bazeia ba artigu 29^o RPN no Obstakulu ne'ebé Komisaun A hasoru mak: Infraestrutura, Rekursu Umanu, no Koñesementu Juridiku Politiku Konstituisaun no esperiensia diplomatiku.

Liafuan Xave: Kna'ar Komisaun A Parlemtu Nasional

Korespondenti Autor: Inacio Bau Mali Pereira

INTRODUSAUN

Preámbulu husi Konstituisaun RDTL, ne'ebé haktuir katak ho neon-metin duni katak iha nesiedade atu hari kultura demokrátika institusionál ida rasik estadu direitu ninian, iha ne'ebé ema sei respeitu konstituisaun, lei no instituisaun ne'ebé povu rasik mak hili, tamba iha Konstituisaun RDTL, hateten katak Timor-Leste hanesan estadu direitu demokrátiku, soberanu, ukun-an no ida mesak, hari husi povu nia hakarak no iha respeitu ba dignidade ema moris idak-idak nian. Bainhira Timor-Leste hetan rekuñesementu internasionál iha tinan 2002 hodi hari estadu soberania ne'ebé hakruk ba konstituisaun no lei, no konstituisaun RDTL mak sai hanesan superior legais, Hierarkiamentu iha mos lei sira seluk nu'udar fontes legais iha estadu de Direitu Demokratiku. Sadere ba iha deskrisaun ida ne'e, desde Primeiru Governu Konstitusionál no Primeira Lejislatura ne'ebé transforma husi Assembleia Konstituante ba Parlamentu Nasionál hamutuk ho Konstituisaun RDTL nia implementa tuir art.º 170 KRDTL, hodi adopta hanesan lei inan ne'ebé hamosu lei sira iha Timor-Leste ne'ebé temina implisitu ka esplika ho momos kona-ba separasaun Poder no artigu 67º KRDTL kona-ba orgaun Soberania ne'ebé hodi defini estadu ida ne'e ho sistema Governasaun ho eksplisitu temi iha pratika Estado Timor-Leste .

Iha konstituisaun mos haktuir konaba separasaun Poder ba Orgaun estadu ne'ebé ho modelu hanesan autoridade polítiku ida ne'ebé fahe poder polítiku ba iha ramu oin-oin, no ramu ida-idak iha ninian responsabilidade rasik. Ho meius ida ne'e, laiha ramu ida mak kontrola tomak governu. Tradisionálmente, separasaun ne'e eziste entre ramu tolu: ramu ezeutivu (Prezidente no Primeiru Ministru), ramu lejislativu (Parlamentu) no judisiáriu (Tribunál). Sistema ida ne'e dala barak refere ho naran "sistema tripartite." Nasaun barak iha mundu uza modelu ida ne'e, inklui Timor-Leste eziste ho sistema Tripatia, Timor-Leste mos Adopta sistema refere, maibe iha pratika Estado Timor-Leste nian Utiliza mos "Dupla Executivu" ho rasaun katak Orgaun Estado Timor-Leste haketak ba Orgaun 4 (Ha'at) mak hanesan :Presidente da Republika (PR), Parlamentu Nasionál (PN), Governu, Tribunál, haktuir Artigo 67º Konstituisaun RDTL.

Tamba ne'e ho akordu ba iha Konstituisaun RDTL rasik, Timor Leste iha orgaundo estadu ha'at mak hanesan Prezidente Republika, Parlamentu Nasioná, Governu no tribunál. Prezidente Repúblika hanesan "Xefe-Estadu, símbolu no garantia indepedénsia nasional ho unidade esatadu nian, no instituisaun demokrátika sira nia funsionamentu regulár tuir art.º 74.º n.º 1 husi Konstituisaun RDTL, Parlamentu Nasionál mak hanesan órgaun soberania Repúblika Demokrátika Timor-Leste nian ne'ebé representa ema Timor-oan tomak iha kbi'it atu halo lei, atu fiskaliza no atu halo desizaun polítika, tuir art.º 92.º husi Konstituisaun RDTL, Governu mak hanesan órgaun soberanu ida ne'ebé iha responsabilidade atu hala'o no ezejuta polítika jerál nasaun nian no mós órgaun superior administrasaun públika nian (art.º 103.º KDRTL), no Tribunál mak hanesan último órgaun ne'ebé hala'o justisa hodi povu nia naran (art.º 118.º KDRTL).

Kontrolu no Ekilíbiu ne'e sistema ida ne'ebé aplika separasaun poder atu bele prevene alokasaun poder ne'ebé barak liu ba ramu governu ida. Iha sistema ida ne'e ramu governu ida hetan poder atu bele limita no kontrola ramu governu sira seluk. Deputadu sira nian serviso define mós iha Rejimentu Parlamentu Nasionál (RPN) ne'ebé regula iha Komisaun Permanente. Tuir Regimento Parlamentar Comissão especializada permanente aprova sira nia regulamento interno rasik iha prazo loron sanulu resin lima (15) nia laran, sura

hahú husi data eleição Mesa Parlamentu Nasionál, ne'ebé previsto iha n.º 3 art. 26 Regimento Parlamentu Nasionál.

Komisaun Especializada Permanente sira bainhira estabelese husi Plenáriu iha inísiu kada lejislatura. Kompete ba Meza, apresenta ba Plenáriu ho proposta deliberasaun ho número komisaun sira ne'ebé kria ho naran husi, Deputados ne'ebé sei atribui. Antes atu apresenta proposta, Meza tenki rona Konferénsia Representante Bankada Parlamentár Tuir arts. 30.º no 31.º Regimento Parlamentu Nasionál. Kompeténsia husi Komisaun Especializada Permanente mak diskuti no fó paresér kona ba Projetu no proposta lei sira, proposta alterasaun no tratadu sira submetidu ba Parlamentu Nasionál, apresia petisaun sira haruka ba Parlamentu Nasionál, konvoka kualkér titulár órgaun Administrasaun Públika para presta informasaun sira kona-ba asuntu ne'ebe parmanenete ba ninia atribusaun no funsaun seluk-seluk tan, ne'ebé previsto iha artigu 35.º (RPN)

Komisaun Permanente Parlamentu Nasionál funsiona durante período ne'ebé Parlamentu Nasionál disolidu, intervalu no iha kazu seluk-seluk prevista iha Konstituisaun, tuir art. 102.º n. 1.º no art. 38.º (RPN). Komisaun kompostu husi Prezidente Parlamentu Nasionál, ne'ebé prezidi husi Vise-Prezidente sira no husi Deputadu sira ne'ebé indikadu husi partidu polítiku sira, haktuir ninia representatividade iha Parlamentu, ne'ebé previsto iha art. 102.º n. 2.º C.RDTL, no art. 39.º RPN. Kompete ba Komisaun Permanente, entre funsaun sira selseluk, akompañia atividade Governu nian, kordena atividade sira husi komisaun parlamentár sira, prepara abertura sesaun plenária nian no konvoka Parlamentu bainhira iha nesesáriu. Ne'ebé mak previsto iha art. 102.º n. 3.º Konstituisaun no art. 40.º RPN.

Komisaun especializada permanente sira aprova ninia regulamentu interno iha prazo máximo loron sanulu-resin-lima (15) hahu husi eleisaun Meza Parlamentu Nasionál, ne'ebé previsto iha art. 26.º n. 3.º RPN. Em geral, Deputado ida labele indicado ba comissão especializada permanente ida, a não ser que ninia bancada, tanba ninia bancada, ho razão tanba ninia bancada, ho numero Deputado ki'ik labele iha representante iha comissão hotu-hotu, maibé iha caso ne'e, nunca bele liu comissão rua. Ne'ebé previsto iha art. 27.º n.º 5.º RPN. Iha biban ne'e, Parlamentu Nasionál mós mantein komisaun permanente oin-oin ne'ebé espesializadu iha areas oin-oin governasaun nian. Komisaun permanente espesializadu iha dedikasaun ba asuntu relevante ne'ebé significativu no rekorrente hodi sira hetan atensaun espesializada. Porezemplu, relasaun internasionál no política fiskál. Tópiku sira ne'ebé merese hetan komisaun permanente espesializadu tenke hetan atensaun konstante.

Iha ne'e mós ita sei haree atual, kona-ba Komisaun Especializada Permanente sira-nia kna'ar tuir area tematica cada Komisaun nian mak hanesan tuirmai: **Komisaun A**: Konstitusional no Justisa (Membro nain 11); **Komisaun B**: Negocios Estrangeiros, Defesa no Segurança (Membro nain 9); **Komisaun C**: Finanças Publicas (Membro na'in 13); **Komisaun D**: Economia no Desenvolvimento (Membro nain 9); **Komisaun E** : Infraestruturas (Membro nain 9); **Komisaun F**: Saúde, Segurança Sosial no Igualdade de Género (Membro nain 9); **Komisaun G**: Edukasaun, Juventude, Cultura e Cidadania (Membro nain 10).

Espesializasaun ne'ebé komisaun sira fornese importante ba Parlamentu nian funsaun. Parlamentu nian mandatu ezije komisaun sira atu atende asuntu ne'ebé exesionalmente diversu no komplexu. Refere fila fali ba komisaun permanente espesializadu 7 iha lista ne'e, no hare komisaun ida-idak nian kompeténsia. Parlamentu iha responsabilidade atu aprova lei

relasiona ho área sira ne'e: Husi seguransa nasional no relasaun internasionál to'o edukasaun no dezentvolvimentu. Área ne'e ida-idak presiza espesializasaun ho ninian kategória rasik. To'o Deputadu ida ne'ebé iha koñesimentu di'ak kona-ba siénsia sosiál, hanesan ekonomia no siénsia polítika, dalaruma sei enfrenta problema sira ne'ebé monu sai husi ninian kompeténsia. Porezemplu, desizaun ba investimentu infraestrutúra ne'ebé komplikadu, dalaruma presiza koñesimentu luan husi enjeñeiru no finansas tanba asuntu ne'e bo'ot liu Deputadu nian koñesimentu. Tanba ne'e divizaun Deputadu sira ba iha Komisaun Espesializadu sira ne'e serve hanesan meius ida ba Parlamentu hodi atende problema sira ne'e.

Divizaun ida-ne'e permite Deputadu sira atu fahe no koloka sira nian-an no forma grupu hodi espesializa iha asuntu partkulár sira. Deputadu sira ne'ebé hari komisaun espesializadu ne'e bele dedika sira nian tempu barak no atensaun ba iha asuntu sira ne'ebé tama iha komisaun ninian kompeténsia laran. Komisaun sira iha kompeténsia atu konvoka no kestiona espesialista sira kona-ba asuntu relevante sira husi Administrasaun Públika no sosiedade públika. Sira bele halo relatóriu ka estudu nesesáriu ida hodi bele konsidera didi'ak asuntu ruma. Ida-ne'e importante tanba atu ezije de'it Parlamentu hodi halo asaun ba kualkér asuntu ne'ebé tama iha Parlamentu nian kompeténsia ampla, ida ne'e impratikavel no komplikadu liu. Ne'e duni, espesializasaun mak hadia defisiénsia ida-ne'e no lori governasaun ba di'ak liu. Komisaun espesializadu permanente nian propójitu prinsipál mak atu diskute no halo relatóriu kona-ba esbosu lejislasaun (Projeitu Lei no Proposta Lei). Bainhira Projeitu ka Proposta Lei ida inisiadu ona ho própriu, normalmente Prezidente Parlamentu Nasionál sei refere esbosu ne'e ba Komisaun Permanente ne'ebé iha kompeténsia kona-ba asuntu lejislasaun ne'e. Ho rajaun hirak ne'ebe hakerek nain elabora ona iha leten ho ida ne'e mak hakerek nain hodi foti topik **“Kna'ar Komisaun A Parlamentu Nasionál Kona-ba Atribuisaun Legislasaun Haktuir Regimentu Parlamentar Nasionál”**.

2. METODU PESKIZA

2.1 Tipu Peskiza

Tipu peskiza ida ne'e hakerek nain uza mak Tipu peskiza normativu mak hanesan tipu Kualitativu Diskritivu husi husi fenomena estudu kazu no metode survei tamba metode rua refere nia definisaun maka intensaun husi hakerek nain hakerek ba.

2.2. Abordagem Juridiku

Iha Peskiza Direitu inisiu halo observasaun ba iha Materia-materia direitu nian nudar baze ba foti desizaun (legál Decision making) ba iha kazu sira ne'ebe akontese ho konkretu. Maneira abordagem (Approach) ne'e utiliza iha abordagem ida talves peskizatoria aproveita rejultadu sira iha direitu Normativu no siensia sira seluk hodi analiza no halo esplanasaun direitu sein halo mudansa ba iha karater siensia direitu nudar siensia direitu normativu. Iha peskiza direitu normative iha abordazen oin-oin maka hanesan tuir mai ne'e¹

1. Abordazen lejislasaun

Peskiza ida ne'ebe tenke utiliza abordazen lejislasaun tamba peskizatoria halo observasaun ho fokus liu ba iha aplikasaun pena ba koruptor sira nudar tema sentral ba iha peskiza refere. maibe rejultadu hosi analiza peskiza direitu normative ne'ebe utiliza abordazen lejislasaun

¹ Johni Ibrahim, 2007, Teori dan Metodologi Penelitian Hukum Normatif, Cet. III, Bayumedia publishing, Malang, Pj. 300-302

(statuteapproach) sei sai diak liu tan bainhira utiliza mos abordazen sira seluk ne'ebe ita konsidera para ho nune'e bele ajuda peskizador ba analiza, tetu no rejolve problema direitu nian ne'ebe maka peskizador hasoru ho diak liu tan.

2. Abordazen Konseptu

Iha definisaun oin-oin ba liafuan Konseptu, iha siensia direitu nian, Konseptu iha direitu penal iha diferensia ka la hanesan ho Konseptu direitu sivil. Konseptu (Bahasa Indonesia Konsep, Ingles: concept, Latin Conceptus hosi concipere ho nia signifikan kompriende, simu no adapta lian Indonesia: memahami, menerima, menangkap) ne'ebe maka kompostu hosi liafuan sira (con, hamutuk (bersama) no capere adapta (menangkap/menjinakkan)) Konseptu ho nia definisaun ne'ebe relevante maka nudar preosupostu sira ne'ebe maka reprezenta klase-klase fenomenu iha siensia refere ne'ebe dalaruma hatudu iha lalaok universal ida ne'ebe abstrata husi lalaok partikularmente ida.

Husi parte funsaun logiku ida, Konseptu ne'e maka hamosu objetu sira ne'ebe atrai ema nia simpatia hosi observasaun pratika no koñesimentu ka esperensia iha ema nia pensamentu. Liu husi funsaun sira ne'e hotu Konseptu rasik konsege kombina atributu no objetu sira, konbinasaun sira ne'e talves forma husi fraze sira ne'ebe adekuadu no utiliza liu husi prosesu pensamentu nian.

3. Abordazen analizasaun

Analiza hosi material direitu atu hatene signifikadu hosi fraze ne'ebe utiliza iha regras nudar konsepsionais no nune'e mos atu hatene kona ba implementasaun iha ambitu pratika no dezisaun tuir lei, iha biban ida ne'e liu hosi dalan rua hodi halo investigasaun;

- a. Peskizadoria ho esforsu tomak hetan signifikadu foun ne'ebe maka involve iha regras/lei ne'e rasik;
- b. Koko (menguji) leis ninia forma sira iha pratika liu hosi analizasaun ba iha desizaun tribunal ninian.

Bazeia ba fundamentais ba analizasaun lei nia maka, analizasaun ba iha definisaun lei, prisnisiu legalidade, regras normais, sistema lei no Konseptu juridiku sira seluk tan.

4. Abordazen istoriku

Abordazen historiku talves halo peskizador atu bele kompriende diak liu ka hatene klean liu kona ba sistema ida ka orgaun ida iha regras refere ho nune'e bele minimiza duvida sira liu hosi kompriensaun ka iha ninia implementasaun orgaun ida ka iha regulamentu balun. Leis sira ne'ebe maka tama vigor kompostu hosi (anasir-anasir) hosi regras sira ne'ebe iha tempu uluk no sei hamosu hikas iha tempu tuir mai ou iha futuru. Iha peskiza ida ne'e peskizador utiliza abordazen sira iha leten para hafasil peskizador iha ambitu resolve definisaun ba iha korupsiun tuir kodigu penal Timor-Leste.

2.3 Fontes Materia Direitu

1) Materia Direitu Primaria

- a. Konstitusaun RDTL tinan 2002
- b. Regimentu Parlamentu Nasional

2) Materia Direitu Sekundaria

- a. Peskiza nain hare livru hanesan referensia ligadu ho titlu peskiza

3) Materia Direitu Tersier

- a. Hare ba artikel
- b. Journal no

c. Disionary

2.4 Teknika Halibur Materia Direitu

Iha tekniku halibur materia de direitu, peskiza nain utliza, card system no kartu bibliografi hodi buka materia ne'ebe relevanti ho titlu peskiza.

- a. Card system hanesan; halibur materia husi livru, internet no utiliza laptop hodi buka materi ne'ebe iha ligasaun. Ho titlu peskiza
- b. Kartaun bibliografi signifika, utiliza kartuan biblioteka hodi buka livru iha bibleoteka unpaz, no bibleoteka ne'ebe namkrai iha territory Timor-Leste

2.5 Teknika Analiza Materia Direitu

Tékniku analizasaun ba matéria jurídiku hanesan tékniku ida hodi halo analizasaun ba matéria jurídiku ne'ebé mak halo tiha ona koleksaun ou akumula tiha ona hodi nune'e autor (Peskizador) liu husi tékniku interpretasaun bele interpreta fila-fali ba matéria ne'ebé iha hodi apar ho kondisaun no pozisaun husi propozisaun-propozisaun legal. Ho nune'e, sadere ba iha tenke interpretasaun refere atu bele komprende signidfikadu husi norma ba métodu interpretasaun ne'ebé relevánsia ho estudo referidu ou teze ida-ne'e kria/halo mak hanesan tuirmai:

1. Interpretasaun gramátika, hanesan halo interpretasaun ba termómetru legál (Jurídika) ho akordaun ba matéria legál (Juridika).
2. Interpretasaun sistemátiku hanesan halo koerénsia rasionalizasaun husi provizaun ba artigu Konstituisaun RDTL, no Rejimentu Parlamentu Nasionál.

3. REZULTADU PESKIZA

3.1 Kompetensia Komisaun A Parlamento Nasionál Iha Assunto Legislasaun

3.1.1 Kompetensia Parlamento Nasionál

Kompetensia Parlamentu Nasionál haktuir iha artigu 95⁰ Nu.1) Konstituisaun Republika Demokratika Timor Leste konaba Kompetensia ba Parlamentu Nasionál mak halo lei kona-ba asuntu báziku sira polítika interna ho externa nasaun nian. Esplikasaun husi Konstituisaun RDTL anotada haklean katak Kompeténsia Parlamentu Nasionál nian bele hetan no bele haketak ho funsaun sira ne'ebé maka atribui tuir tradisaun. Funsau Lejislativa Parlamentu nasional karakteriza tipikamente formulasaun konstitusionál liberal, ne'ebé haktuir katak vontade jeral hosi komunidadade polítika sei formula liuhosi representasaun demokrátiku ne'ebé maka bele hetan iha Parlamentu. Tanba hanesan órgaun plural sira, representativu sira hosi ideolojia sira no sensibilidade oioin no tanba hanesan debate parlamentar ba diskusaun transparente ida no nakloke asesível ba representadu sira, justifika katak asaun lejislativu sira hosi Parlamentu iha prerrogativu especial sira kona-ba asaun lejislativu sira hosi Governu. Nune'e, Konstituisaun konsagra prinsípiu ida rezerva nian hosi lei formal lei nian, ne'ebé previstu iha art. 95⁰ n.º 1 no 2.

Iha ne'ebé Parlamentu Nasionál ninia kompetensia eksklusivu hatu'ur iha artigu 95⁰ Nu.2) sira hanesan tuir mai ne:

- a) Rai-ketan RDTL nian, tuir artigu no. 4;
- b) Limite bee tasi laran Timór nian no mós zona ekonómiku eskuziva ho tan direitu
- c) Timór-Leste nian ba zona tatutan no plataforma kontinentál;
- d) Símbolu Nasionál sira, tuir no.2 Artigu 14;
- e) Sidadaun;

- f) Direitu, liberdade no garantia sira;
- g) Estadu no kapasidade ema nian, direitu família nian no mós jersaun ne'ebé sei mai;
- h) Fafahek territoriál;
- i) Lei eleisaun nian no mós Rejime Referendu nian;
- j) Partidu no mós asosiasaun polítika sira.
- k) Deputadu sira nia Estatutu;
- l) Titulár sira-nia Estatutu iha Estadu nia organizasaun;
- m) Baze sistema hanorin nian;
- n) Baze sistema seguransa sosiál no mós saúde nian;
- o) Suspensaun garantia konstitusionál nian no mós deklarasaun estadu serku ho tan estadu emerjénsia nian;
- p) Defeza no Seguransa nia Regra;
- q) Regra Fiskál;
- r) Rejime orsamentu nian.

Hanesan haktuir iha leten konstituisaun anotada esplika Previzaun ba kompeténsia lejislativu jenériku PN nian iha art. 95.º, n.º 1, dezenvolve iha nia n.º 2, ne'ebé ilustra kompeténsia lejislativa ne'e ho elenku ka lista matéria sira ne'ebé PN lejisla maka iha kompeténsia tomak ka absoluta. Kompeténsia sira previstu iha artigu 1 no 2 artigu ne'e nian hanesan kompeténsia lejislativu loloos, iha adosaun ba asaun lejislativu sira kona-ba matéria sira ne'ebé previstu iha ne'e, kontráriu, hanesan bele haree, iha número sira tuirmai ne'e nian. Tanba ne'e, la admiti hasai hosi kompeténsia lejislativu kompeténsia seluk ida ho natureza la'ós lejislativu, ho prejuízo ba ekilíbriu hosi kbiit sira ne'ebé konsagra iha Konstituisaun. Nune'e, iha termu sira art nian. 95.o, n.o 1, alínea o), PN bele lejisla kona-ba polítika defeza no seguransa ka polítika fiskál ne'ebé la simu kompeténsia polítika iha área sira ne'e ba PN (aleinde implísita iha opsaun lejislativu sira), ne'ebé iha kompeténsia atu hala'o polítika Governu nian ne'ebé previstu iha art. 103.o, no kontrola iha PN liu hosi Programa Governu (art). 108.º).

3.2. Komisaun-komisaun Iha Parlamento Nasional

Parlamentu Nasional hanesan orgaun soberania ida Timor Leste nian ne'ebé representa povu Timor- Leste. Ho ninia komisaun sira hanesan haktuir iha Rejimentu Parlamentu Nasional (RPN) artigu 26⁰ Nu.1) Parlamentu iha komisaun espesializadu permanente sira no komisaun eventual sira.

a) Komisaun espesializadu permanente sira;

Haktuir husi Artigu 27⁰ RPN Nu.1) hatu'ur Número hosi Deputadu sira hosi komisaun espesializadu permanente ida-idak no nia distribuisaun iha bankada parlamentar oioin sei fiksa ho deliberasaun hosi Parlamentu, ho proposta hosi Prezidente, ne'ebé rona Konferénsia, iha inísiu hosi lejislatura ida-idak.

Kompozisaun espesialidade permanente Komisaun Permanente kompostu hosi Prezidente Parlamentu, ne'ebé nia prezidi, hosi Vice-Prezidente sira no hosi Deputadu sira ne'ebé partidu polítiku sira hili, tuir sira nia representatividade iha Parlamentu, tuir artigu 102⁰ hosi Konstituisaun nia dispozisaun.

Iha ne'e mós ita sei haree atual, kona-ba Komisaun Espesializada Permanente sira-nia kna'ar tuir area tematica kada Lejislatura hanesan haktuir iha artigu 27⁰ RPN Kona-ba

kompozisaun Komisaun nian mak hanesan tuirmai: **Komisaun A:** Konstitusional no Justisa (Membro nain 11); **Komisaun B:** Negocios Estrangeiros, Defesa no Segurança (Membro nain 9); **Komisaun C:** Finanças Publicas (Membro na'in 13); **Komisaun D:** Economia no Desenvolvimento (Membro nain 9); **Komisaun E :** Infraestruturas (Membro nain 9); **Komisaun F:** Saúde, Segurança Sosial no Igualdade de Género (Membro nain 9); **Komisaun G:** Edukasaun, Juventude, Cultura e Cidadania (Membro nain 10);

Espesializasaun ne'ebé komisaun sira fornese importante ba Parlamentu nian funsaun. Parlamentu nian mandatu ezije komisaun sira atu atende asuntu ne'ebé exesionalmente diversu no kompleksu. Refere filafali ba komisaun permanente espesializadu 7 iha lista ne'e, no haree komisaun ida-idak nian kompeténsia. Parlamentu iha responsabilidade atu aprova lei relaciona ho área sira preve ona.

b) Komisaun eventual sira;

Komisaun Eventuál sira harii atu halo serbisu espesifiku ruma no sira sei la kontinua existe banhira serbisu ne'e remata tiha ona. Plenariu mak foti desizaun atu harii komisaun eventuál ruma, liu husi iniciativa husi Bankada parlamentar ka Deputadu sira (Minimu Deputados na'in 10)

Hanesan preve iha Rejimentu Parlamentu Nasionál artigu 36^o Nu.1)Parlamentu bele harii komisaun eventuál sira ba fim ida-idak. Nu.2) Iniciativu hodi harii komisaun sira ne'ebé bele halo hosi mínimu deputadu na'in sanulu ka hosi bankada parlamentar sira. No Nu.3) Komisaun eventual sira bele konvida tékniku sira.

Kompeténsia komisaun eventuál sira-nian preve iha artigu 37^o RPN haktuir Kompete ba komisaun eventuál sira atu apresia asuntu sira kona-ba nia konstituisaun, hodi apresenta relatóriu no pareser sira-ne'e iha prazu sira-ne'ebé Parlamentu fiksa.

Komisaun Inkeritu ida nu'udar komisaun eventuál ida ne'ebé harii espesialmente hodi avalia Governu no Administrasaun Publika nia atuasaun. Avaliasaun ida-ne'e mak hanaran inquérito parlamentar, ne'ebé belte tau matan ba qualquer matéria ho interese públiko ne'ebé relevante hodi hala'o parlamento nacional nia kna'ar . ba assunto espesífiku ida-idak sei hari'i komisaun de Inquérito ida.

Hari'i komisaun ne'e bele akontese tamba um terço husi deputaddo iha efitividade de funsaun apresenta requerimento ida ba presidente do Parlamento Nacional. Iha kasu hanesan ne'e, komisaun parlamentar obrigatoriomente tenki hari'i dunik, plenario la foti dezisaun kona-ba ne'e. Nune'e mós bancada parlamentar sira, deputado husi partido hirak-ne'ebé la konstitui iha bancada parlamentar, komisaun, no kualker deputado individualmente, bele rekere atu hari'i komisaun parlamentar inkeritu ida. Iha kazu hanesan ne'e, rekerimentu tenki apresia iha plenario, no komisaun sai hari'i se hetan karik aprovasaun husi maioria absoluta iha efitividade no funsaun.

Rona tia conferênsia representante bankada parlamentar sira-nian, kompete ba presidenti do parlamento nacional atu fixa número membros komisaun nian, ho respeito ba princípio proposionalidade husi deputado sira-ne'ebé kompoen bancada parlamentares, komisaun de inkeritu tenki remata ninia servisu iha loron 60 nia laran, no sei la existe tan liu tiha prazu ne'e. Atu garante katak sira hala'o sira-nia kna'ar, komisaun parlamentar de inkeritu iha kbi'it atu halo investigasaun hanesan ho autoridades justisa nian, no bele husu apoio husi policia bainhira presiza. Sira bele konvoka kualkuer funcionário ka entidade

privada ruma informassaun no documentos ne'êbe hala'ô hela nia kna'ar, ida-ne'e sai hanesan crime de desobedensia qualificada, tuir lei penal.

Atu remata ninia servisu, komisaun sei hakerek no apresenta relatorio ida no deklarasaun voto husi ninia membro. Hamutuk ho relatório, komisaun parlamentar de inkeritu bele apresenta projeto resolusaun ida ba plenário nia apresiasaun. Relatório husi komisaun parlamentar de inkeritu ne'e sei haruka ba plenário nia apresiasaun iha debate ne'êbe marka espesifikamente ba ida-ne'e. Iha debate ne'e, bancada parlamentar ida-idak iha minuto tolu hodi apresenta sira-nia deklarasaun de voto, maibé relatório ne'e sei la hetan votasaun husi plenário bele vota de'it ba projeto de resolusaun ne'êbé komisaun apresenta.

3.3. Distribuisaun kompetensia ba Komisaun Sira tuir Regimento Parlamento Nasional

Atribuisaun kompetensia hanesan poder ida ne'êbé Lei fo husi Konstituisaun RDTL hanesan hatuur iha artigu 102^o Konstituisaun RDTL Nu.3) Parlamentu Nasionál Komisaun Permanente Kompetensia ba Komisaun Permanente ida-ne'e:

- a) Akompaña Governu ho Administrasaun nia atividade;
- b) Koordena atividade iha komisaun Parlamentu;
- c) Promove konvokasaun ba Parlamentu kuandu presiza;
- d) Prepara no organiza Parlamentu nia sesaun plenária;
- e) Fô autorizasaun ba Prezidente-República atu mai halao nia deslokasaun tuir Konstituisaun nia artigu 80^o.

Maibe kompetensia komisaun eventuál hanesan poder *mandat* katak poder hetan husi Rejimentu parlamentu Nasionál ne'êbé temin Kompetensia komisaun eventuál sira-nian hodi hatuur iha artigu 37^o RPN haktuir Kompete ba komisaun eventuál sira atu apresia asuntu sira kona-ba nia konstituisaun, hodi apresenta relatóriu no pareser sira-ne'e iha prazu sira-ne'êbé Parlamentu fiksa. Iha ne'êbé Kompetensia eventuál hierarkiamente tuir norma nia hetan kompetensia inferiór katak kiik husi Konstituisaun. Ne'êbé bele Implika Prinsipiu da norma *Lex Superio derogat lex inferiór* iha ne'êbé ne'êbé norma ne'êbé aas liu bele anula lei ne'êbé kiik liu.

3.4. Delegasaun No Justisa Iha Parlamento Nasional

Delegasaun iha kontestu Parlamentu Nasionál prosesu ne'êbé parlamen nasional hatun ka fo serbisu ka orientasaun responsabilidade ruma ba individu ou grupu seluk holdi reprezenta sira (Deputadu PN sira) iha serbisu ka kna'ar sira. Delegasaun ne'e iha kontestu oi-oin:

Dahuluk, delegasaun kona-ba Komisaun nian mak: Membre Parlamentu nasional sempre forma komisaun sira hodi rezolve problema definitiva ruma hanesan Lei, Finansas, ou Externa. Sira mak sei delega kompetensia atu halo no forma rekomendasaun ba komisaun sira ne'e.

Daruak, Delegasaun ba Lideransa Bankada, membro husi partido politiku iha parlamentu nasional sempre hili lideransa bankada sira. Lideransa bancada ne'e sei representa visaun no politika partidu nian iha debate sira no negosiasaun.

Datuluk, delegasaun ba lideransa partido: Lideransa partido politiku ne'êbe iha kadeira iha Parlamentu Nasional mos be'ele sai representante importante iha formulaun politika no foti desizaun representa niania partidu.

Iha prosesu delegasaun lei no regulamentu mak regula kna'ar no responsabilidade mebru parlamentu hodi kumpri.

Justisa iha Parlamentu Nasionál hanesan prinsípiu ida ne'ebé importante tebes hodi dezempenha funsaun instituisaun lejislativa nian. Prinsípiu sira justisa nian iha kontestu Parlamentu Nasionál nian bele inklui:

1. Justisa iha representasaun: Parlamentu tenki reflète diversidade sosiedade ne'ebé sira representa . Ne'e signífika atu garantia grupu oioin, hanesan feto sira, minoria sira ho grupu étniku sira, iha representasaun adekuadu.

2. Justisa iha Prosesu Lejislativu: Prosesu lejislativu tenke justu no nakloke. Membru hotu-hotu iha parlamentu tenki iha oportunidade ne'ebé hanesan hodi partisipa iha elaborasaun no iha debate lejislasaun nian.

3. Justisa iha tratamentu: Deputadu sira ba parlamentu tenki trata ho justu, la haree ba nia orijen polítika, etnia ka jéneru. Membru tomak tenki iha direitu hanesan hodi ko'alia no vota.

4. Justisa atu foti desizaun: Desizaun ne'ebé Parlamentu Nasionál foti tenke bazeia ba konsiderasaun justa no objetiva no tau matan ba interese sosiedade nian hotu-hotu.

5. Justisa ho konstituente sira: parlamentar sira iha responsabilidade hodi serbí sira nia konstituente ho dalan justu no hodi rona sira nia aspirasaun no preokupasaun sira.

6. Ekuidade iha asesu ba informasaun: Parlamentár no públiku sira tenki iha asesu hanesan ba informasaun relevante kona-ba prosesu lejislativu no desizaun sira ne'ebé foti iha parlamentu.

Atu garante justisa iha Parlamentu Nasionál, sempre iha regulamentu internu, étika no komisaun ne'ebé halo atu supervizona komportamentu deputadu sira-nian. Ida ne'e sei garante katak padraun justisa no étika tenki respeita.

Importánsia hosi justisa iha Parlamentu Nasionál maka mantén integridade ho lejitimidade hosi instituisaun lejislativu no garanti atu interese sira hosi sosiedade tomak tenki iha representasaun lolo'os.

Ho nune'e Delegasaun No Justisa Iha Parlamento Nasionál mak Atu garante katak sira hala'o sira-nia kna'ar no Funsau, komisaun parlamentar Iha prosesu delegasaun lei no regulamentu mak regula kna'ar no responsabilidade membru parlamentu hodi kumpri no mantén integridade ho lejitimidade hosi instituisaun lejislativu no garanti interese sira hosi sosiedade tomak tenki iha representasaun serteza no lolo'os.

3.5 Implementasaun Kna'ar Legislasaun Husi Komisaun A Parlamentu Nasionál

3.5.1 Objectivo Implementasaun Kna'ar Legislasaun

Implementasaun hosi dever lejislativu sira hanesan medida sira ne'ebé foti hosi membru lejislativu sira hodi kumpri sira nia dever relasionadu ho elaborasaun, alterasaun ka ratifikasaun hosi lei sira no funsaun sira seluk. Objectivu sira hosi implementasaun ba tarefa lejislativu sira bele inklui:

1. Halo Lei sira: Lejisladór sira hanesan responsável atu hato'o, diskuti no aprova lei sira ne'ebé bele afeta ho pozitivu ema sira nia moris.
2. Supervizaun ba Governu: órgaun lejislativu monitoriza no supervizona asaun sira governu nian, inklui utilizaun orsamentu no implementasaun polítika sira nian.
3. Hametin interese konstituente sira nian: membru lejislativu sira tenki representa no promove interese sira hosi sira-nia konstituente nian iha prosesu lejislativu.
4. Hola desizaun ho baze ba deliberaun: prosesu deliberaun no diskusaun iha parlamentu ajuda alkansa desizaun di'ak iha interese sosiedade nian.

5. Kontrola poder: Prevene abuza poder no mantein ekilíbrü entre poder ezeutivu, lejislativu no judisiál.
6. Hanoin kestaun importante sira: membru lejislativu sira bele uza sira nia pozisaun hodi hamosu kestaun importante sira iha sosiedade.

Objetivu hirak ne'e depende ba kontestu polítiku, jurídiku no polítiku nasaun ida-idak nian. Objetivu implementasaun kna'ar legislasaun atu aseguza objectivo do estado tuir constituisaun Art 6 RDTL, desenvolvimentu ne'ebe governo implementa bele sectorial bele multi-sectorial alkansa objectivo estado bem estar do povo no estabilidade politika.

Atu garante desenvolvimentu estadu ne'ebe governo implementa tuir objectivo do estado nebe'e haktuir iha constituisaun art 6 RDTL iha ne'ebé bele sektorial, bele mos multisektorial.

3.5.2 Mekanizmu Implementasaun Legislasaun Husi Komisaun A Parlamento Nasional

Atu implementa mekanizmu lejislasaun komisaun lejislativa nian ida, presiza liu prosesu ida ne'ebé bele varia tuir lei no regulamentu espesífika sira nasaun ka jurisdisaun ida-idak nian hanesan tuir mai ne'e:

1. Define Propósito: Determine propósito komisaun lejislativa. Nia maka sei sai responsável hodi revistu projetu lei nian, propoin lejislasaun foun sira ka dezempeña papel espesífiku sira
2. Kriasaun Komisaun ne'e nian: lejislasaun ne'ebé kria komisaun tenke elabora no aprova hosi órgaun lejislativu competente, hanesan parlamentu ka kongresu.
3. Nomeasaun ba Membru sira: membru komisaun lejislativa nian tenke hili tuir kritériu sira ne'ebé estabese ona iha lejislasaun. Ne'e bele inklui representante sira hosi partidu polítiku oioin, espesialista sira iha área relevante sira, etc.
4. Regulamentu Internu sira: komisaun tenke desenvolve regulamentu internu ne'ebé estabese nia regra funsionamentu, inklui prazu ba revizaun projetu lei, reuniaun, prosedimentu votasaun, no seluk-seluk tan.
5. Análize ba Projetu Lei: komisaun halo revizu projetu lei ne'ebé atribui ba nia, realiza audiéncia pública, koleta dados no informasaun relevante no hato'o rekomendasaun.
5. Relatóriu no Rekomendasaun sira: komisaun apresenta relatóriu no rekomendasaun sira ba órgaun lejislativu. Relatóriu sira ne'e bele uza hodi ko'alia desizaun sira kona-ba projetu sira lei nian.
6. Debate no Votasaun: Projetu lei ne'ebé revisadu sei debate no hetan votu hosi órgaun lejislativu, konsidera rekomendasaun komisaun nian.
7. Implementasaun: Hafoin aprovasaun hosi órgaun lejislativu, lei sira sei implementa no sei moris.

Ho nune'e mekanizmu implementasaun Importante tebes hodi konsulta lejislasaun nasional no buka orientasaun legál ba implementasaun ida ne'ebé presiza.

3.5.3 Obstakulu Husi Komisaun A ba Asuntu Legislasaun Iha Parlamento Nasional

Obstakulu sira ne'ebé Komiskaun A ba asuntu Lejislasaun hasoru iha Parlamentu Nasional Timor Leste hasoru mak hanesan tuir mai:

1. Infrastrutura, iha infrastrutura peskizadór halo observasaun direita katak espasu la sufusiente membru komisaun sira hodi halo serbisu ho konvortavel tanba kloot liu.

2. Rekursu Umanu, iha ne'ebé Parlamento tenki rekruta ema espesialista nasionais iha assessoria atu la bele depende ba internasional, prepara rekursu humano atu apoio komisaun sira electronica
3. Koñesementu juridiku politiku Konstituisaun no esperensia diplomatiku, maioria deputadu sira la iha koñesementu kona-ba area espesialidade refere.

4. KONKLUZAUN

Iha monografia ne'e hakerek nain foti konkluzaun sira hanesan tuir mai ne'e:

1. Kompeténsia Komisaun A Parlamentu Nasionál hodi trata asuntu Legislasaun Kontrola Área Konstituisaun Justisa Bazeia ba Rejimentu Parlamentár Iha ne'ebé Parlamentu Nasionál ninia kompetensia eksklusivu hatu'ur iha artigu 95^o Nu.2) konjuga ho Rejimentu Parlamentu Nasionál konaba kna'ar espesifiku komisaun A nian haktuir iha artigu 29 Nu.1) mak komisaun ne'ebé toma konta konaba Assuntu Konstitusionál, Direito sira, Liberdade no Garantia sira.
2. Meius Fatór no Obstákulu husi Komisaun A Ba Implementasaun kna'ar Legislasaun hodi atinje objetivu Konstitusionalidade no justisa Importante tebes hodi konsulta lejislasaun nasionál no buka orientasaun legál ba implementasaun ida ne'ebé presiza. Mekanizmu implementasaun lejislasaun komisaun lejislativa nian ida, presiza liu prosesu ida ne'ebé oi-oin tuir lei no regulamentu espesífika sira nasaun ka jurisdisaun ida- idak nian hanesan tuir mai ne'e: Define Propósito, Kriasaun Komisaun ne'e nian, Nomeasaun ba Membru sira, Regulamentu Internu sira, Análize ba Projetu Lei, Relatóriu no Rekomendasaun sira, Debate no Votasaun, Implementasaun. Iha implementasaun Obstakulu sira ne'ebé Komiskaun A ba asuntu Lejislasaun hasoru iha Parlamentu Nasionál Timor Leste hasoru mak hanesan Infrastrutura, iha Rekursu Umanu, no Koñesementu juridiku politiku Konstituisaun no esperensia diplomatiku.

BIBLIOGRAFIA

I. LIVRU SIRA

Ateng Syafrudin, Pemerintah dan Pemerintahan, PT Citra aditiya Bakti, 10 Edisi 1996.

Bintan R. Saragih. Dalam, Firmansyah Arifin, dkk, Lembaga Negara dan Sengketa Kewenangan Antar Lembaga Negara, (Jakarta: Konsorsium Reformasi Hukum Nasional bekerja sama dengan Mahkamah Konstitusi RI, 2005), hlm. 29, sebagaimana dikutip oleh Patrialis Akbar “Lembaga-Lembaga Negara Menurut UU NRI Tahun 1945, Jakarta:Sinar Grafika, 2013.

Departemen Pendidikan Nasional. 2003. Kamus Besar Bahasa Indonesia (KBBI), Edisi Ketiga, Jakarta: Balai Pustaka.

Efriza. F. A. Mrotin no J. G. Steenbeek, sita ecological Modeling

F. M Strotin no Jereon Steenbeek, sita ecological Modeling 360, 2017.

Gunawan SetiardjaMiriam Budiardjo. Dasar-Dasar Ilmu Politik, Edisi Revisi. Jakarta: Gramedia, 2008.

H. D. Stoud, jurnal Constituição, Vol IV. Nu.1, Junhu 2011.

H. D. Stoud, jurnal Constituição, Vol IV. Nu.1, Junhu 2011.

H.A.S. Natabaya, “Lembaga (tinggi) Negara Menurut UUD 1945” dalam Refly Harun, dkk (editor), menjaga denyut Konstitusi, Refleksi Satu Tahun Mahkamah Konstitusi, (Jakarta:Konstitusi Press, 2004),hlm. 60-61. Sebagaimana dikutip oleh Patrialis Akbar, LembagaLembaga Negara Menurut UU NRI Tahun 1945, Jakarta: Sinar Grafika, 2013.

Indroharto, “Usaha Memahami Undang-Undang tentang Peradilan Tata Usaha Negara”, Jilid I, Jakarta: Sinar Harapan.Irfan Fachruddin, “Pengawasan..., Jimly Asshiddiqie, Perkembangan dan Konsolidasi Lembaga Negara Pasca Reformasi, Jakarta: Sekretariat Jendral Kepaniteraan Mahkamah Konstitusi, 2006.

Jimly Asshiddiqie, Perkembangan dan Konsolidasi Lembaga Negara Pasca Reformasi, Jakarta: Sinar Grafika, Cet-2, 2012.

M. Iman Santoso, Perspektif Imigrasi Dalam United Nation Convention Against Transnational Organized Crime, Cet. 1, Jakarta: Perum Percetakan Negara RI, 2007.

M. Iman Santoso. Maksudnya sebelum dilaksanakan amandemen terhadap UUD 1945.

Miriam Budiardjo, Dasar-Dasar Ilmu Politik, Gramedia Pustaka Utama, Jakarta, 1998.

Miriam Budiardjo, Dasar-Dasar Ilmu Politik, Gramedia Pustaka Utama, Jakarta, 1998, hlm. 35-36. 22,Suwoto Mulyosudarmo, Kekuasaan dan Tanggung Jawab Presiden Republik

Indonesia, Suatu Penelitian Segi-Segi Teoritik dan Yuridis Pertanggungjawaban Kekuasaan, Universitas Airlangga, Jakarta, 1990, hlm. 30. 23A.

Mochtar Kusumaatmadja dan Eddy R. Agoes, Pengantar Hukum Internasional, Bandung: Alumni, 2003.

Patrialis Akbar “Lembaga-Lembaga Negara Menurut UU NRI Tahun 1945, (Jakarta: Sinar Grafika, 2013).

Peter Mahmud Marzuki, Penelitian Hukum Normatif, Kencana Prenada Media Group, Jakarta, 2009.

Philipus M Hadjon, Lembaga Tertinggi dan Lembaga-Lembaga Tinggi Negara Menurut Undang-Undang Dasar 1945 Suatu Analisa Hukum dan Kenegaraan, Foto Copy-Perc & Stensil “Djumali”. Surabaya, 1985.

Philipus Mandiri Hadjon, 2006, *Direitu Administção Estadu*, P.T.Grafindo.Jakarta.

R. Rhodes, *Beyond Westminster and Whitehall: The Sub-Central Government of Britain*, Allen & Unwin, London, 1988. dalam Jimly Asshiddiqie.

Riri Nazriyah, *MPR RI Kajian Terhadap Produk Hukum dan Prospek di Masa Depan*, Ctk. Pertama, FH UII Press, Yogyakarta, 2007.

Suwoto Mulyosudarmo, *Kekuasaan dan Tanggung Jawab Presiden Republik Indonesia, Suatu Penelitian Segi-Segi Teoritik dan Yuridis Pertanggungjawaban Kekuasaan*, Universitas Airlangga, Jakarta, 1990, Gunawan Setiardi

Wolfgang Friedmann, *Legal Theory, Fourth Edition*, (London: Stevens & Sons Limited.

Yokotani. *Sistem Bikameral di Lembaga Legislatif Berdasarkan Tugas dan Kewenangan Dewan Perwakilan Daerah (Perbandingan dengan Amerika Serikat, Inggris, dan Argentina)*. *Jurnal Hukum Progresif*. Vol. XI No. 1 Juni 2017.

II. LEIS NO REGULAMENTU

1. Konstituisaun RDTL

- 1) Artigu 92.º KRDTL Parlamentu Nasionál
- 2) Artigu 95.º KDRTL Kompetensia Parlamentu Nasionál
- 3) Artigu 92.º KRDTL Fungsau Ezklusiva Parlamentu Nasionál

2. Regime Parlamento Nasionál

III. INTERNET

1. http://www.mj.gov.tl/jornal/public/docs/2002_2005/leis_parlamento_nacional/4_2002.pdf

2. http://www.mj.gov.tl/jornal/public/docs/2017/serie_1/SERIE_I_NO_20.pdf

3. http://www.mj.gov.tl/jornal/public/docs/2009/serie_1/serie1_no25.pdf
4. http://www.mj.gov.tl/jornal/public/docs/2016/serie_1/SERIE_I_NO_18.pdf
5. http://www.mj.gov.tl/jornal/public/docs/2016/serie_1/SERIE_I_NO_26A.pdf
6. Montesquieu, www.wikipedia.com, diakses.